

小

草

齋

集

小草齋集卷之二十三

陳留謝肇淛著

友人陳仲溱校

七言律詩六

南峰淨室贈真燦上人

路轉南峰結草庵  
高丘蘭若老瞿曇  
片雲茆屋三更雨  
流水繩牀五尺龕  
問法有時過鷺嶺  
漱流長日到龍潭  
禪心定後無人會  
處處香風度

石楠

說法臺

何年高士演三車講席孤峰削紫霞苔徑已封  
雲外路香風時送雨中花松傳梵唄喧禪定猿  
近檀林聽法華人去臺空山色在祇留片石掛  
袈裟

建溪答贈江仲譽魏君屏抱白朱願良丘  
文舉楊叔照諸君

歡然握手道平生却笑龍門浪得名三月扁舟  
遊子夢一時傾蓋故人情江城暮靄曾前合水

驛寒星雨後明  
心漫相逢又相別  
青山無數鷓鴣聲

興田驛元真庵

款冬花下扣柴扉  
道士初更禮斗衣  
繞屋雨聲泉百道  
隔溪暝色鶴雙歸  
丹房火冷人何在  
石室棋殘世已非  
頓覺塵心清欲盡  
步虛聲裏紫雲飛

雨中登武夷因感舊遊

前峰一夜雨潺湲  
六六溪頭碧幾灣  
隨水有花

小尊齋集卷之三十一  
來洞口宿雲無曲奏人間山樵薙草驚猿卧道  
士操舟載鶴還日月已更雲物異題名盡沒翠  
苔斑

雨中登玉皇閣

咫尺清都不可攀亂峰低映紫霞關石函半是  
真人蛻寶藏初從內府頒虹架曾孫新綵幔烟  
生玉女舊雲鬟桃花落盡黃梁熟一枕遊仙盡  
日閒

贈王隱泉道士

青蛇袖裏七寒星半榻孤峰對幔亭五夜朝元  
騎白鶴十年滴露注黃庭路經瀑過晴疑雨門  
倚巖成晝不扃未許漁郎來問渡權歌無數隔  
林聽

雲窩寄贈陳孔震司馬

老臣去國一黃冠營得菟裘九曲灘月印平川  
峰影碧仙歸紫府鶴聲寒先春茶採雲千片度  
世丹成雪幾丸他日昇真班上會法星高照步  
虛壇

小桃源

路穿石竇木橋危  
雞犬桑麻半掩扉  
沙圃雨中殘茗老  
洞門春後落花稀  
風搖竹塢蜂衙散  
水滿莎塘鴨陣歸  
寒暑自更無甲子  
不知人世是秦非

宿王道人嘯虎巖淨室賦贈

山中謝事禮寒鐘  
高結雲房占別峰  
百丈蒼崖秋嘯虎  
半爐丹火夜投龍  
研朱點就昇真錄  
餐玉方成却老容  
下界塵蹤那得到  
落花啼鳥翠

重重

水簾洞

踏棘攀蘿宿雨露泉聲一夜百重添寮依倒石  
泥爲瓦瀑噴孤峰雪作簾石上松髯梢結頂函  
中仙骨指留尖依稀不似人間路柯爛何妨竟  
日淹

過衢贈張叔翹太守

風流文采振金閨虎竹初分澗水西鎖印吏隨  
閒鶴卧行春馬踏落花嘶洞尋王質看時局裙

向羊欣醉後題今日江城驩御李隔溪聽唱白  
銅鞮

病中贈吳德符

浪跡江湖早得名蕭然四壁冷青萍耽書老去  
真成癖好客貧來不問生閩海羈魂雙短鬢吳  
山涼雨一孤城非君意氣憐同病誰念文園卧  
馬卿

病過姑蘇王百穀來訪出其病中苦言見

示

箕踞匡牀罷笑談蕭然相對兩瞿曇知君善病  
言何苦如我無生意亦甘卧久每妨新客到藥  
來時檢古方參館娃春草靈巖月回首風流總  
不堪

巳酉初度下邳舟中病作

爲儒作吏兩侵尋往事居諸已陸沉半喜半悲  
歎枕夢且行且止出山心故園魚鼈音全斷客  
棹蛟龍浪正深四十二年成底事更堪衰病二  
毛侵

已酉秋入長安

斗拂勾陳絳闕低  
霜風吹柳御河西  
千門碧瓦新鷗吻  
十丈紅塵舊馬蹄  
聖主頻年虛玉陛  
侍臣無地扣金閨  
杞人更有憂天泪  
遼左高秋尚鼓鼙

壽周太母

瑤池初下紫雲軒  
粉署春深沸管絃  
萱樹北堂天尺五  
桃生東海歲二千  
板輿晴對黃花醉  
環佩時驚白鶴眠  
一陣香風隨起舞  
綵衣帶得御

爐烟

上葉相國二首

三年當國鬢成絲，政是長安日遠時。  
禁地獨承明主眷，補天未許世人知。  
花深綺閣論思靜，月滿沙堤退食遲。  
何似白門閒載酒，竹林紗帽坐彈棋。

新開東閣領千官，四海蒼生望謝安。  
中使夜催書鳳尾，尚方朝賜貢龍團。  
御爐烟散朱茵煖，馳道霜清赤舄寒。  
此日雲霄丞相府，可容狂客一

彈冠

送王季重左遷晉幕

羊腸世路損朱顏  
况復殘年雪滿山  
幕裏蓮花才子謫  
尊前楊柳故人攀  
鴈門千騎通胡地  
馬邑孤城近漢關  
莫向殊方歎離別  
清朝早已賜君環

京邸歲暮候命不下作

旅食經年白髮催  
五雲空望碧崔嵬  
小臣自合甘投散  
明主何緣棄不才  
鴈帶斷魂天畔去

鐘驚離恨夢中迴誰知黍谷回春日尚有寒爐  
未暖灰

巳酉除夕

京邸燈殘夜未央一年回首總悲傷官如新婦  
才三百時新拜屯田  
之命三日俸比侏儒恰一囊歲月漫

驚過隙易風塵終覺出山忙不須守歲高支枕  
魂夢應教到故鄉

庚戌元日京邸寄二弟

律轉東皇歲已遷天高北地凍猶偏春如戀我

仍添閨

是年閨三月

老欲催人莫問年形闕幸瞻新

鹵簿烏衣還憶舊風烟遙憐小弟鄰庄伴未識

長安在日邊

庚戌元日早朝

縹緲祥光碧落間遙瞻仙仗想天顏露華初

散金莖掌春色先歸玉筍班闔闔乍開香霧細

翠恩高瑣翠雲閒却思十九年前會牢落孤臣

已賜環

送任計部之九江

都門祖帳滿城花盡逐東風上使槎漢苑折殘  
春月柳楚關行及代時瓜雙林細雨僧迎節九  
派寒江吏放衙水旱頻年征稅急傷心不必聽  
琵琶

送滕惟遠奉常出都

一宦棲遲不足言容臺清譽滿司存有時導駕  
行黃道盡日看雲卧白門夢裏月明桃葉渡馬  
頭寒食杏花村相逢又作無期別回首燕山落  
日昏

送瞿星卿視學楚中

使節翩翩拂楚雲，都門桃李正繽紛。  
江聲百丈秋行部，月色三湘夜校文。  
峰過祝融知鴈盡，湖開帝子覺天分。  
君家世擅人倫鑒，莫使連城泣不聞。

送沈季彪水部之張秋

春風擁傳出京華，濟水梁山護建牙。  
河伯無波侵瓠子，詩人有閣對梅花。  
閉門過客時妨卧，行部移舟半作家。  
轉餉河源憂不細，豈同博望遠

夏日招沈士範鄭應尼鍾伯敬王季木陳  
元朋孫子長王永啓諸進士焦園小集  
兼送士範歸宣城應尼歸盱江同用陽

字

翩翩白馬繫垂楊爭羨春雲鴈一行

諸君皆同年登第

萬里星隨萍梗聚半牕風度藕花香隔城山色  
含涼雨遶樹蟬聲咽夕陽良會不堪仍惜別敬  
亭盱水望茫茫

送柯季和任南計部

度支新拜簡書催遙憶金陵紫氣迴驛騎半衝  
梅雨去官亭閑對蔣山開尋僧寺裏雙峰雪輓  
粟江干兩岸苔聞道秦淮天接水傷心莫上鳳  
凰臺

庚戌初度

陸沉避世竟何能肺病鄉愁兩不勝白髮秋來  
真似葉青山老去不如僧烽烟北望憐二輔裘  
馬西風憶五陵十載雄心今已減碧紗窓閉讀  
書燈

送龍君御備兵湟中

青海城西建碧幢  
書生材氣世無雙  
朱旂塞外秋行部  
金甲壇前夜受降  
上客賦詩時入幕  
美人捧劍半臨窓  
西風滿地催班馬  
莫惜離亭倒玉缸

送孫子長還家

黃菊花時別帝畿  
望鄉心逐鴈南飛  
晝行身上新宮錦  
秋夢山中舊板扉  
驛路鄉音隨地改  
馬頭塵色過江稀  
遙憐斗酒枌榆社  
猶有天涯客

未歸

送湯嘉賓大司成之白下

廿載詞林老掖垣  
新開東觀道彌尊  
雞鳴晴色山當署  
虎帳春風士滿門  
菊葉早霜催驛騎  
杏花微雨吊孤村  
清朝待啓平津閣  
莫向澄江憶故園

九月十七夜偕陳汝鑑大行葉肇熙中舍  
郭聖胎雷仲蜚林茂之山人集鍾伯敬  
大行齋中酌月同賦

燒殘銀燭夜悠悠  
月色霜華冷  
敝裘紫氣却疑  
當座合清光  
猶似爲君秋  
花期已過黃  
應瘦觴  
政初行  
白屢浮同是  
天涯萍梗跡  
不妨竟夕漫  
淹留

送唐君平司李太原

十月西風清路塵  
翩翩千騎擁朱輪  
地仍唐叔  
分封舊官是  
虞庭拜命新  
三尺霜寒仙吏色  
五臺雲護宰官身  
年年汾水飛秋鴈  
應寄相思到  
故人

和伯敬移居之作并柬茂之

貧病羈棲苦憶君  
竭來差得遠塵氛  
牀頭尺地書全占  
門外斜陽僧半分  
葦戶秋聲驚鶴夢  
女牆寒影散鴉羣  
冷曹莫戀紅爐煖  
閒却堦前一片雲

長至前一日范穆其郭聖胎林茂之過小

齋夜坐

禱子焚香客鮮衣  
小齋聊得共清暉  
且拚竹葉終宵醉  
莫問葭灰逐曉飛  
月色半牕銀燭冷  
秋

聲匝地禁鐘微柴關蹇閉非容易世路風塵未  
息機

辛亥立春作

臘殘黍谷報春歸猶自風沙撲面飛野馬有光  
雲易合土龍無効雪難祈千門綵勝名空在九  
陌香麈事已非莫向春盤看菜色年來三輔不  
勝饑

庚戌除夕

華堂銀燭夜蕭蕭斷送年光只此宵野馬塵中

人易老土牛背上凍難消東山遠志經年別南  
國歸心萬里遙慈母倚閭諸弟隔斷腸雙淚落  
春椒

辛亥元日

爆竹聲聲驚客眠霜鐘已報歲華遷孤雲回首  
六千里一第羈人二十年淑氣未消仙掌雪朝  
班空望平門烟子雲尚白馮唐老虛說長安尺  
五天

送陳以弼守南昌

符分銅虎古諸侯况是名藩控上游五馬堂開  
朝聽事雙龍光合夜登樓帷寨東郭春農喜簾  
卷西山宿雨收莫謂承平忘撫字章江雲物不  
勝秋

孫太宰考成加恩二首

百鍊昆吾照水犀風雲十載起磻溪老臣頰補  
丹墀牘 聖主親封紫誥泥華岳峰寒霜鬢勁  
藍田玉屐帶腰低只今桃李花如錦盡是山公

舊品題

小堂一宿集  
卷二十三  
一十丹心兩鬢絲補天寧許世人知可憐砥柱  
中流日政是浮雲蔽日時南極有星光傍斗東  
山無野笑彈棋衮衣鳩杖皆恩澤願得從容步  
玉墀

送王末啓之南比部

法星高照舊京華淺草和風路不賒官署倚山  
看王氣御堤信馬踏殘花渡頭楊柳淮邊月木  
末亭臺郭外家十載同遊半零落送君腸斷白  
門鴉

淮上阻風

水急山空一棹停  
石尤吹浪晝冥冥  
江村帶雨微茫白  
淮樹含雲遠近青  
多病寸心長寂寞  
扁舟尺地且漂零  
何如斗酒聽鶯卧  
世路風波總不經

辛亥初度

四十無聞志已虛  
蹉跎又復五年餘  
門閒不厭頻來客  
架冷時堆未看書  
世事且看堂上燕  
時光總付隙中駒  
芙蓉花滿松醪熟  
贏得朝朝奉

板輿

哭蔣居寔孝廉一首

石火浮生亦可傷，添燈長閉讀書牀。  
人間駐世應無藥，地下脩文已有郎。  
烏石空留玄草宅，錦囊猶放白豪光。  
遺編零落風流盡，誰向名山識子長。

文采襟期識者稀，土中玉樹尚依依。  
青衫老去人何在，華表歸來事已非。  
烈士傷心懸寶劍，老人親垂泪墨斑。  
衣無兒伯道，天難問滿目西風柵。

葉飛

贈陳德遠觀察一首

漢署登壇十載餘，重勞玉節按無諸。  
白龍江冷秋行部，鐵豸冠閒夜校書。  
二尺寒霜驅海若，五峰殘雪夢匡廬。  
閩南六合方清朗，退食時應奉板輿。

避世衡門草已封，何緣貴客重臨邛。  
書成半作來禽帖，吏散時尋野鹿蹤。  
四壁烟霞開薜荔，孤城風雨暗芙蓉。  
却愁萍梗分南北，回首龍門隔

幾重

送陳惟秦之吳興

扁舟輕出霅溪南  
風景爲君立馬談  
滿地杏花三月雨  
夾河桑葉萬家蠶  
城頭遠碧黏天浪  
樹杪新黃飽雪柑  
猶憶道場山下路  
亂雲踈竹護茅庵

古靈廟

松陰十里翠冥冥  
立馬斜陽問古靈  
香篆半隨樵火炷  
廟門高對石巖扃  
潮通荻浦千重白  
路

遶瓜山萬壘青洞口雲封人不到漁歌遙隔蓼  
花汀

過陳述古先生故居

有引

先生名襄候官之古靈人也慶曆中以忤新  
法屢遭貶斥官終樞密直學士今其居址門  
巷猶存衣冠遺像儼若平生中堂設一木屏  
書世系家譜甚詳先生文集既罕行世子孫  
亦貧落不復振余官京師購先生集於祕府  
錄之以傳茲以方廣之行訪其故居爲之低

回不能去焉感而賦此

蕭條曲逕鎖秋烟異代衣冠尚儼然自向木屏  
書世系誰從祕閣購遺編連雲甲第餘雙碣漏  
日茅茨祗數椽惆悵古靈山下路聞孫自種鹿  
門田

觀獵山謁王用文祠

有引

用文名翰靈武人元末爲閩行省郎中元亡  
遂寄居水福之觀獵山洪武初 詔有司強  
起之遂自刎死子卽孟敷太史也

雪峰道中

躡棘穿蘿百里程空山盡日少人行蒼藤古木  
雲邊色恠石寒灘樹裏聲曲磴紆迴緣澗轉亂  
田高下旁山耕斜陽欲落松風起遙聽霜鐘出  
化城

宿太平庄馬氏山樓賦贈

竹籬秋露豆花殘爲愛幽人問考槃路轉亂峰  
孤鶴徑門臨野水一漁竿平田黃犢歸村晚落  
日蒼龍遶屋寒半夜溪聲滿牀月不知身已宿

雲端

雪峰寺二首

古刹高臨象骨峰，客來下界已聞鐘。  
搖空塔影依雙樹，捲雨濤聲吼萬松。  
百里遠山皆貼地，四時積雪盡成冬。  
木毬不動香臺冷，猶有殘碑藓未封。

一從飛錫亂峰巔，寶地香燈七百年。  
水轉山田無雀耗，雲歸石洞有龍眠。  
窓前池蘸千林月，海外潮通半壑泉。  
勝事只今俱寂寞，殘經空鎖講

堂烟

枯木庵

輪囷百尺尚蟠泥，剝作虛龕結構齊。枯坐却疑  
身是木巢居，不厭竇爲圭。犀紋半染黃金相，蝸  
蘇全侵碧篆題。寄謝春風莫噓拂，朽材久已託  
禪棲。

與雪峰僧談寺田有感

千畝汚邪屬上方，半歸豪主半拋荒。山蠻逋賦  
徵苗苦，縣吏敲門納餉忙。水磨聲殘空有識，藍

田名在已無庄黃雲滿目僧如洗慚愧閩王一  
炷香

雪峰下山作

叢林下山忽十里回首天際猶嶙峋風吹細雨  
欲成雪葉落空林如有人蘆荻蕭蕭一虎嘯雲  
日慘慘孤鴻征中途歸僧揖我語緇衣已染公  
門塵

又題太平馬氏山庄

羣峰迴合隱村墟雞犬桑麻百載餘野繭纒成

教婢梁山田收罷課兒書草深荒坂晴驅鴨水  
落寒溪夜打魚十畝蹲鴟千樹橘不妨過客日  
停車

壽喻郡公

憶昨含香共水曹已占海上福星高金魚剖得  
閩中竹白鹿銜來塢裏桃一卷香風生玉乳九  
仙天樂奏雲璈公堂更獻無疆祝丹穴新添小  
鳳毛

同徐興公吳元化鄭孟麟遊金雞山栖霞雲

庵

小寮幽竹絕塵氛  
路人溫泉野色分  
地僻不聞僧院磬  
山低時度女牆雲  
隔江烟火孤村嶼  
繞郭松楸十里墳  
王氣雞聲俱寂寞  
曲池霜葉落紛紛

同徐興公趙子含鄭孟麟過普光庵

偶隨清磬扣雞園  
黃葉聲中佛火昏  
古殿烟埋金碧相  
空壇雲濕寶花幡  
庵因近市無閒地  
僧爲休糧不出門  
半榻茅房談竟日  
也勝車馬自

喧喧

冬日登昇山

翠微高控大江迴，寂寂僧寮晝不開。  
古寺尚傳陳建置，孤峰疑自越飛來。  
龍蛇石上留殘篆，雞犬雲中有舊臺。  
紫竹碧桃零落盡，玉田無主鶴聲哀。

宿昇山靈巖寺

入山深處被山留，借得禪房草榻幽。  
嵐氣乍沉千嶂暝，月華遙度半江秋。  
松間清嘒穿林出，竹

小詩補遺卷二十三  
杪寒雲壓屋流長夜夢迴蓮漏寂殘燈無燄篆  
烟浮

經玄沙廢寺

斷鐘古瓦掩頽垣百畝檀林盡蔗園人向亂蘆  
尋野徑僧同病葉卧山門香燈夜燼金猊凍禾  
黍秋高石虎蹲布地開壇消息斷一溪霜月照  
啼猿

登卧龍山觀品石

是安國寺故址有窰  
經臺翠楚亭諸題刻

孤峰龍卧俯郊坰萬壑松雲繞郭青徑轉蒼林

曾有寺苔侵翠楚已無亭懸崖半蝕蟲書篆恠  
石猶存品字形白馬西迴蓮座冷至今空自說  
箋經

辛亥除日與興公諸子閒步

落英潛催鳳曆更衡門無夢到承明莫將衰鬢  
留年住且得閒身伴客行江北江南雙別淚人  
來人去一孤城歸時醉舞爛斑袖卧聽家家爆  
竹聲

壬子元日

簾卷東風燭影斜  
笑看見女拜誼譁  
舊遊共喜春開社  
久客渾疑夢到家  
栢葉青尊傾北海  
蓮花禁漏憶東華  
謾言南服陽和早  
執戟如今又及瓜

十八夜燈

五夜燈過漸寂寥  
大家從俗且須饒  
塔蔭已覺飛三葉  
火樹仍添第六宵  
殘魄未生銅漏急  
舞衣欲疊寶香消  
淒涼遊女情無賴  
又過春風第幾橋

十九夜燈

星斗闌干雨又晴  
九衢依舊按歌聲  
由來樂歲繁華地  
幻作經旬不夜城  
踏遍蓮花燈七夜  
催殘桂影漏三更  
莫愁歸路餘光少  
尚有高高賽月明

二十夜燈

燭跋香消日又晡  
攔街兒女競喧呼  
一年佳節眼前去  
此夜清光天下無  
寶馬鞭催歸蹀躞  
玉人簾卷望須臾  
明朝試上西樓望  
曙色淒涼片

月娥

謝脩之明府崔徵仲孝廉過小齋賞蜀茶  
得佳字時有微雨

二逕春深色自佳高軒相對愜幽懷誰將西蜀  
名花種移向東山小草齋香逐微風穿繡幄艷  
含殘日妬金釵只愁一夜淋鈴雨零落紅衣綠  
滿堦

爲喻正之題陟岵卷

霄漢班聯玉筍香已將寸草報恩光身分虎竹

來聞海夢遶午眠到夜郎千嶂抱城松翠合片  
溪飛瀑竹聲涼彤庭已課循良最萬里春風拂  
白楊

賦得闔閭城送人之吳

孤城百雉與雲齊江草宮花望欲迷舞鶴不知  
朝市變寒鳥猶傍女牆啼美人去國香魂冷義  
士還家王氣低惟有城頭明月在夜深送客五  
湖西

贈歐陽惟禮郡幕

久向雲間識土龍，偶從閩海泛芙蓉。  
有時醉跨山公馬，無事閒登薛老峰。  
大篆書成臨石鼓，奇文辨就得金鐘。  
可憐枳棘卑棲日，四壁蕭蕭一院松。

林洋寺故址

叢林一片掩垂藤，敗鐵生衣石闕崩。  
夜雨孤村聞斷磬，春畦積水見歸僧。  
山荒荆棘無鄰近，嶺隔桃枝少客登。  
寂寞茅茨餘四壁，霜風時打佛前燈。

宿石牌庵陳汝翔徐興公同賦共用牌字  
小寮低對遠山佳猶記先賢舊石牌五尺團歌  
依綠蔭半林方竹俯丹崖木魚夜動聞僧課蔬  
甲春肥供客齋漏轉蓮花心地寂一天霜月滿  
苔階

九峰寺一首

歷遍岢嶇翠萬重夕陽已挂寺門松窓前平楚  
諸天界雲裏青蓮九疊峰寶地半區誰布席殘  
僧數口盡爲農開山尚有宗風在淒斷齋堂五

夜鐘

千盤鳥道數重溪昏黑藤蘿路欲迷門榜尚題  
前甲子山雲猶護古招提松翻暝雨當空落瀑  
捲晴虹繞寺低隔盡萬峰誰得到平林一片鷓  
鴒啼

過本宗墓哭之

愛君不及送君時腸斷山陽篋裏吹埋骨一丘  
依法席歸魂十里隔長箕草侵身後生蓮舌松  
偃房前挂衲枝月冷子規啼不歇九峰門外碧

參差

壽山寺

隔溪茅屋似村廛門外三峰尚儼然  
文室有僧方辨寺殿基無主盡成田  
山空琢盡化紋石像冷燒殘寶篆烟  
禾黍雞豚秋滿目布金消息是何年

芙蓉洞一首

山荒洞窅問難憑却逐畚人步步升  
樵斧劈開初有徑土床漸盡久無僧  
駐屣避炬穿泉穴蟠

船衝雲拂石稜鳥道插天崖  
入地從來能有幾  
人登

蛇行十里黑巉巉  
門外留題古洞巖  
一自禪師  
開講席遂令踪跡隔塵凡  
霧蒸石室泉常落  
雨  
翳經臺莽未交  
惟有白雲如戀客  
歸來片片上  
征衫

經芙蓉寺故址

峰迴路斷莽蕭蕭  
一片平田長綠苗  
薜荔村深  
祗樹盡芙蓉  
峰在化城遙  
雨中草色侵苔礎  
竹

裏泉聲咽石橋野鳥啼春猿嘯夜居民猶自說  
前朝

嘉慶二年五月廿七日

小草齋集卷之二十二終



小草齋集卷之二十四

陳留謝麀瀾著

友人曹學銓校

七言律詩七

排律附

雨中集越山庵

巖城高控萬松間  
草結團瓢竹映關  
一片落花林外路  
數聲啼鳥雨中山  
僧來共證三生果  
客過時偷半日閒  
霸業消沉王氣盡  
寒雲空逐夜鐘還

寄題焦弱侯太史別業二首

雞鳴古埭白雲隈  
松竹幽居一徑開  
晚水時浮  
翠畫舫孤城斜抱  
讀書臺  
隣僧有約參禪去  
野老何知問字來  
只恐碧山眠未穩  
浮雲蔽日恨難裁

右雞籠山館

菟裘築就厭承明  
江左遺踪傍冶城  
幸有地堪  
開綠野已無心起  
爲蒼生  
雨中遠嶂尊前色  
郭外寒潮集聲野  
屬君家  
墩屬我不須更學半  
山爭

右謝墩別墅

送張集虛之程鄉

潮陽南下古梅州，芳草如烟賦遠遊。  
客路正當三伏雨，縣城遙枕百花洲。  
故人祖道頻看劍，少婦殘妝獨倚樓。  
無限冶城楊柳色，時從別後憶風流。

送練生赴闕爲其先中丞請卹

六月霜飛叫帝閭，百年遺事不堪論。  
孤臣分已無完卵，異代恩應到覆盆。  
寶鼎夜沉燐火色，玉階春暗血書痕。  
乾坤雨露寬如海，送客毋勞

吊楚魂

送甘子開之楚

簡書初拜紫薇班，一片飛霜向楚關。  
銅柱夜寒三戶月，牙旗秋控五溪蠻。  
紅雲荔子行時路，碧落芙蓉夢裏山。  
別後相思聞海外，嶺雲迢遞水潺湲。

贈雲間曹介人孝廉

白壁何須泣暗投，且隨汗漫狎滄洲。  
閒尋瑤石落栖霞，洞映上紅妝。  
載舟鶴唳雲間孤，客夢鯉

飛湖外九仙遊遙知馬首燕山道還憶榕城荔  
子秋

岐江寺

釣臺東望碧茫茫風送寒潮涌講堂江上青山  
孤棹雨門前紅葉一林霜鶴來每避降魔錫僧  
去時添出定香便結跏趺最高處閒敲茶臼看  
扶桑

贈石叅知

一從恩詔起東山五月寒霜散百蠻防海樓船

八首 卷五 二  
衝瘴出看山畫戟帶雲還豸冠已落鯨鮪膽犀  
甲猶屯虎豹關何日玉墀聽曳履法星高照紫  
宸班

贈張叔弼別駕

避地東陵不種瓜閒將丘壑度年華斜陽隨蝶  
尋芳草春雨逢人問落花長日清齋僧有髮半  
生拙宦老無家竹床時檢農書讀臥數南峰幾  
片霞

過安仁感懷有別

先大夫以隆慶庚午令安仁時不肖才四齡  
耳居諸不淹四十餘載萬曆壬子秋余以水  
部持節重過其地城廓阡陌髣髴可辨父老  
譚往事歷歷如昨回首先人之墓木拱矣而  
民心思慕猶一日也感而賦此以志悲喜之  
懷

曾拋竹馬聽鳴絃物換星移四十年百里尚傳  
循吏政孤城猶鎖亂峰烟堂前舞象曾誰伴雲  
際飛鳧父已仙昔日嬰兒今擁節斷腸風木哭

南天

登先大夫天池閣與諸生父老話舊

政成人去事悠悠  
祗有芳名閣上留  
佛火長懸金闕曉  
德星高傍錦江秋  
梁間舊扁苔侵額  
門下諸生雪滿頭  
父老殷勤相問訊  
斷腸却憶少年遊

贈喻宣仲

聞說元龍氣未除  
由來名下士無虛  
交多方外忘年友  
讀盡人間未見書  
作客聲華傾海嶠  
尋

僧踪跡半匡廬滕王閣上江如練恨不從君賦  
卜居

滕王閣懷古

蒼蒼平楚暝烟浮無復龍光射斗牛帝子不歸  
高閣在行人愁見大江流天邊遠樹斜陽盡雲  
際孤帆宿雨收歌舞文章俱寂莫惟餘潭影自  
悠悠

鐵柱觀

玉臺金闕影參差碧瓦浮烟絳節垂法駕半空

飛虎豹劍光中夜泣蛟螭步虛聲細金華遠沉  
水香多寶篆遲鐵柱功成千載後章江如鏡草  
離離

贈鬱儀王孫

天潢十萬半風塵龍種如君復幾人羽蓋乍傾  
渾似故牙籤未觸總如新侍兒吹笛翻宮譜愛  
子臨池寫洛神今日滕王高閣會未應下榻有  
徐陳

過東林寺有感

廬山形勝甲於江南而東林自遠公開山踪  
跡又最久遠况地當四達之衢車塵馬足之  
間豈無善信賢豪嗣振宗風者乃回祿之後  
零落百年不能復振余過其地爲之悵然感  
而賦此

山門斜枕驛橋邊零落香燈不記年半壁尚留  
三咲影亂藤空鎖一溪烟碑經火後文皆蝕蓮  
向霜前葉盡穿惟有香爐峰咫尺嵐光飛到佛

堂前

平原聞邢子愿訃哭之

尺書萬里恨難裁  
此日相思隔夜臺  
書寄名山真蹟散  
園臨流水影堂開  
青牛夜度真人去  
白鶴寒隨吊客來  
獨有舊時驄馬在  
秋風憔悴暮嘶哀

題黃太史贈君山齋

郭外清溪繞碧岑  
高人遺構水雲深  
歲時頻墮松楸泪  
日月偏宜薜荔心  
萬壑寒濤孤鶴夢  
半山殘照亂榕陰  
朝朝習靜無車馬  
臥看堦前玉

樹林

贈顧允登

黃金散去俠猶存，劍客相逢盡感恩。  
一日聲華傾輦轂，半林書畫臥文園。  
西山雪霽雲隨馬，北固潮平舟到門。  
裘敝黑貂君莫問，梅花江上正銷魂。

送金右辰還廬陵

殘年羈客倍消魂，回首長安日易昏。  
賦就三都身未遇，家徒四壁俠猶存。  
城邊古廟尋黃石，雪

裏孤帆過白門漢代只今多狗監豈容才子老  
文園

送施仔吾令高明

翠羽啾嘈嶺樹烟月明雙鳥去翩翩晨叅蠻吏  
鳴銅鼓夜聽鮫人訟火田雲湧五花官牘上天  
開八桂瘴江邊玉程莫憚炎荒遠自有冰心白  
雪絃

答任白甫

玉堂夜直紫泥殘猶有餘香九畹蘭門對仙人

乘鶴渚家傳公子釣魚竿雲開衡岳扶筇瘦霜  
落彤墀疏草寒莫道夔龍叨接武由來郢曲和  
常難

壬子除夕

九衢簫鼓雪新晴爆竹通宵虎柝鳴舊曆已偷  
春半月寒燈空守歲三更愁深芳草天涯路夢  
遶梅花海畔城白髮漸來年漸去不堪更聽曉  
鐘聲

癸丑元日

魚鑰初傳曉角吹東風已散御河漸律回黍谷  
春偏早老對椒盤飲漸遲白髮空懸閩海夢翠  
華頻想漢官儀千門萬戶紅塵裏惟有馮唐兩  
鬢絲

贈胡金吾

曾佐西江百里符拂衣仍拜執金吾匣留一劍  
孤忠在家散千金四壁無司馬遊非求引鳳李  
鷹歸豈爲思鱸若耶溪上多明月不及君家照  
乘珠

壽蕭少宰先生二首

一代人龍典石渠  
主恩慙許鹿門居  
神仙山下留黃石  
慈母花前御板輿  
綠野春深三月後  
紫霞觴獻萬年餘  
不須更問長生錄  
處處名山太史書

夜雨青宮曉漏聞  
歸來豈爲北山文  
仙人金馬真成隱  
學士銀魚未可焚  
遼鶴初迴千里夢  
名駒已出五花紋  
自慙國士終無補  
臥枕桃丘一片雲

哭王百穀二首

八十登壇位已孤，少微星隕月沉珠。  
堂開南有遺書在身往，西天一念無弔容車徒來萬里門。  
生衣鉢半三吳，春深何處銷魂地。下若城邊碧浪湖。

生死浮蹤兩不聞，尺書猶自寄殷勤。

今春尚有書寄先生

至則楊從才載花前，袖憶孤舟病裏分。  
薜荔寒衣霜墜葉芙蓉，仙館樹連雲。盈盈一水山河，  
遡汨酒西風，挂劍墳。

登安平譙樓

高樓遙控九河關，海岱微茫指顧間。  
千里飛帆衣帶水，半窓斜日錦屏山。  
孤城粉堞連雲起，平楚蒼烟逐鴈還。  
氛祲坐銷波浪息，風光羸得獨開顏。

冬日偶成

官如僧舍草蕭蕭，海岱浮雲鎖寂寥。  
雨裏看花開別圃，雪中送客過浮橋。  
晉王城北鴈初度，秦帝堤邊水欲消。  
誰念栖遲來萬里，天涯無計問

小葺成所食之  
卷之二  
漁樵

癸丑除夕

吏散鴉啼日又曛  
華堂已薦五盤辛  
門封積雪官逾冷  
囊有新詩業未貧  
尺寸豈能酬國士  
丰升猶得活波臣  
年光自古隨流水  
華髮何須歎積薪

甲寅元旦

排衙鼓罷曙光新  
又見東方一度春  
六載郎官貧伴客  
滿堂兒女老催人  
荒村雨雪連三輔  
落

日關河暗八閩七十慈親雙弱弟歸心不獨爲  
思葺

桃丘暑中咏白牡丹得添字

東風一夜剪霜縑却向千紅隊裏添月影暗籠  
香寂寂露華低濕玉纖纖開時未許梨花妬落  
處從教柳絮黏最是夜寒人不見一枝斜壓水  
精簾

又得裙字

雪骨冰肌自不羣紅妝千樹枉紛紛影搖粉署

三更月夢入揚州。一朶雲玉蝶乍栖看不定珠  
簾半捲氣初薰。春風何處腸堪斷。飛傍佳人白  
練裙。

送楊儀部護送

福藩之洛便道歸蜀

皇華春色滿河湄。帝子分藩使者隨。洛邑河  
山新帶礪。漢官文物舊威儀。江城柳拂黃龍舳  
。岱岳雲生赤羽旗。萬里恩光歸旌傳。不須更問  
碧雞祠。

答馬仲良計部

西風尺素托郵籤粉署知君吏隱兼歲儉時聞  
商稅減官閒頻見錦囊添霜前黃葉迎行馬湖  
外青山對捲簾莫向天涯問憔悴筆花吾已媿  
江淹

王亦房過訪爲其先人百穀求傳感贈

倒屣相迎喜復悲故人今有寧馨兒花前命駕  
俄千里身後論交又一時馬鬣已封高士骨鳳  
毛應識李郎眉却慙多病才都盡辜負千秋有  
道碑

吃語詩二首

革車駕鼓堅旣攻驚笳急管勁角弓孤軍卷甲  
過劍閣官家解警居高宮鶚冠箕踞各擊鞠京  
觀鉤竿更紀功葛巾躬耕歸故國江干逕菊交  
金釭從軍行

高岡荆管間揭車江關蒹葭鉤襟裾桔槔戛擊  
夾廣澗佳果糾結局郊居過家雞狗急驚叫觀  
稼巾冠躬拮据箕黍瓜羹甘谷菊舉觥構句皆  
璣琚郊居行

甲寅七月六日暑甚因憶老杜語戲作

七月六日苦炎熱火雲肆兀池沸湯花枝低垂  
無起色市鳥錯落愁中腸米山滿眼不足恃玉  
宇清切空相均主會當脫屣泛滄海松風瑟瑟吹  
蘿裳

送陳汝翔南還兼懷惟秦伯孺

乍得相逢未盡歡西風何意促征鞍它鄉雲物  
愁人易多病天涯作客難驛路秋深雙鶴鬢滄  
江歲晚一漁竿年來詞客多憔悴昔日塵冠未

可彈

方伯文過飲巴山出入音杯索賦漫成  
金風蕭瑟動危臺石磴臨城四望開絲纜暫留  
仙客舫竹烟低泛野人杯匏烹苦葉時行酒土  
蝕輕花半作苔革帶不腰紗帽岸木蘭舟上玉  
山頽

葉相國得請歸里賦贈五首

隻手旋乾復轉坤功成脫屣出都門橋邊黃石  
仙人約海外青山主上恩秋老芙蓉臨水驛

春深薜荔面山園從今滿眼風波息臥看寒潮  
月落痕

百寮領袖帝王師七尺虬髯海鶴姿子夜爐烟  
裁詔日午門風雪押班時諫章焚盡無人見陳  
乞情深有主知一片丹心何處是年來黑髮  
盡成絲

袞職年來事事違九重高拱諫書稀翠華臨  
御無消息牛李紛爭半是非遼左孤軍秋羽急  
江南赤地暮烟微老臣無限憂時泪暫向山中

夢釣磯

萬里君門萬苦身漫言尺五地絲綸挽回北極  
眞無計高臥東山合有人賓閣荔陰看鶴舞海  
堤沙暖結漁隣春來綠野花如錦回首長安一  
片塵

天語頻煩下九重袞衣擁傳主恩濃千官祖  
道都人嘆萬里王程使者從歸興已先秋嶺鴈  
夢魂猶聽早朝鐘只愁羽翼功成後未許留侯  
逐赤松

同馮元成觀察登戊巳山賦贈

徙倚危峰峰上亭  
城陰野氣晚冥冥  
關河樹裏三秋色  
雲水尊前兩客星  
地迥風烟成罨畫  
才高蹤跡轉飄零  
夜光按劍尋常事  
莫向江干歎獨醒

分水遇華孺柳予告南還

一官牢落與君同  
去住相看歎轉蓬  
萬里歸心多病後  
九河秋色片帆中  
霜隨落葉催寒杵  
雁逐征人避朔風  
却笑浮生若分水  
出門蹤跡兩

西東

惟秦燕中病歸以詩見貽却寄

布衣萬里扣燕關朔雪邊風損壯顏人土幾回  
瞻北斗詩來強半說西山禪心到老真成癖病  
骨經年不耐閒一水盈盈天尺五思君不見又  
空還

與李元祉重遊蜀山

孤峰無地碧澄澄信宿同君已再登天際帆檣  
低度鳥門前風浪夜歸僧烟迷遠浦漁郎艇雨

打荒壇聖母燈人散酒醒堤上望青螺一點暮  
雲凝

贈聊城馮明府

滿城桃李醉春風不數西河大小馮公事坐銷  
琴韻裏清心半在玉壺中瓜期奏績雙鳧遠來  
徑行春一鶴同寄語東方諸父老重來應避五  
花驄

白燕二首

一片霜毛白玉肌却疑玄鳥姓名非夢隨香絮

迎風舞銜得梨花帶雪歸  
明月中空中看不定  
夕陽巷口見應稀  
池塘處處芹泥滿  
莫遣緇塵化素衣

脉脉瑤階白板扉  
曉霜殘月轉霏微  
慣從珠樹藏身住  
不逐昏鴉接翅歸  
入署乍疑香粉落  
化釵猶傍玉人飛  
水晶簾外雕梁冷  
學念心經伴雪衣

仙人掌

片片柔蕙翠復輕  
却從閨苑得佳名  
劈開華頂

雲常濕捧得金盞露尚清  
燃指春風長不老託  
根珠樹共長生  
瑤階寂莫霜華冷  
拔宅何年向  
玉京

寒食淮上別陳末奉

殘雪東風下濟西  
連天芳草渡淮淝  
日逢百五人  
初別路計三千  
夢已歸野店  
禁烟投寺宿  
孤帆帶雨隔江  
飛愁心一片  
隨君去只在  
河千舊  
釣磯

玄兔

何時搗藥帝臺邊染得玄霜不記年霧滿南山  
隨豹隱草深東郭伴龜眠蒼林向月應難辨鬢  
髮如雲亦可憐它日中山載毛穎託生長吸墨  
池烟

問春

簾卷東風節暗移問春春亦未應知去年殘臘  
歸何處此日韶光付阿誰塞鴈若爲歸去早晚  
桃底事獨開遲普天尺地皆恩澤黍谷那因待  
律吹

白雀

東郡堂邑舊有白雀  
今猶時或見之因賦

竒毛獨立世應稀  
天上瑤光入戶低  
烟散綠蕪飛一點  
霜封碧瓦望全迷  
雪衣籠裏空相妒  
玉剪梁間錯竝棲  
年少五陵多挾彈  
不隨童子向關西

周喬卿至

騎鶴揚州意已灰  
相逢何事不堪哀  
一尊風雨催春去  
兩鬢霜花逐雁來  
雲水似僧差有髮  
天涯作客竟無媒  
燕山咫尺紅塵裏  
莫問昭王舊

日臺

早行

江草山烟不計程  
東風榆莢雨初晴  
殘燈影裏鐘催起  
疲馬聲中月伴行  
萬里羈栖悲遠道  
百年離亂見孤城  
却憐谷口南庄上  
綠髮黃雲自在耕

宿山寺

五尺團蕉一柱藤  
數竿方竹半龕燈  
尋山近隔拘盧舍  
避地真同塔掛僧  
鶴背夜翻松院月  
藕

根秋老石池水比丘笑問西來意坐臥閒行是上乘

寄弟

海南江北兩天涯萬里相思鬢已華舊業別來  
渾似夢它鄉住久欲成家逢人每問臺前竹傳  
語頻澆石畔花春水到門船載月也應憐我在  
風沙

詠老人燈

南極輝疑應壽昌強將衰骨對紅粧年華自信

風前燭火宅難消鬢上霜  
晷短莫辭終夜宴  
心灰猶趁少年場  
却愁漏盡鐘鳴後  
辜負桑榆一線光

授正郎自嘲

二十年前五石壺  
只今囊粟似侏儒  
已慙列宿應郎署  
何意登高作大夫  
老去虛隨鵷鷺列  
人來且任馬牛呼  
一簾花雨千峰月  
贏得尊前是故吾

寄武夷玉道人

十年蹤跡定何如猶憶青牛洞裏居  
道士上天惟一鶴故人異地有雙魚  
竹間霞映丹臺綠雲際龍銜紫府書  
一枕遊仙春夢破亂峰松月石門虛

走馬燈

過隙匆匆逐轉蓬輕塵不動暮烟中  
連錢花照虹橋月碧玉蹄翻紫陌風  
壯士橫戈歌出塞美人掩泪赴和戎  
夜闌戰罷狼烽息曙色淒涼戍壘空

鵲卵荔枝

萬顆葳蕤細若丸  
虛疑靈鷲卵成丹  
綠陰簇處巢偏穩  
青籠盛來累未安  
非有羽毛生殼內  
豈無孳息孕雲端  
不知化石緣何事  
空有遺胎樹杪看

龍蝦

巨額鈷鬚甲卷犀  
品流應不數鯨鯢  
春雷難逐潛蚪動  
秋水甘隨屈蠖栖  
質異寧能逃鼎鑊  
形同終自隔雲泥  
窮鱗涸轍休相笑  
尺木無階不

可梯

雞引子荔枝

大如俛啄小如趨貌出丹雞引子圖羅立有情  
長戀母高栖何意更呼雛同窠最喜深枝穩落  
地誰憐眾哺孤金鉅朱冠俱寂莫華清宮裏鬪  
來無

西苑白龜

玄衣何似縞衣輕瑞氣遙知應玉衡不向清江  
爲使者却從靈沼託長生霜深瑤草無人見月

冷珠宮伴鶴行  
聖主受釐多豫日  
看君巢遍  
碧蓮莖

賦得雪後看梅花禁用體物字

六出飛殘萬木凋  
那知春色在柔條  
却看枝上  
開初綻疑是風前落  
未消素質已孤香  
漠漠輕  
寒欲散影蕭蕭  
斷腸半夜誰家笛  
吹盡芳魂一  
處飄

歸鴈

白草黃沙慘不開  
春霜曉月鴈聲哀  
憐予久作

南冠客恠爾翻尋北地來影落江湖心共遠力  
微關塞首重回居庸城外多弓馬何似瀟湘兩  
岸苔

棋聲閣

公事閒消幾局棋暖風吹度碧雲墀一簾松影  
春深處半榻燈花夜落時鶴夢乍驚穿竹起玉  
聲初碎出林遲石橋流水柴門閉未許樵夫便  
得知

垂絲海棠

翠色柔枝別樣奇，却疑雲鬢護胭脂。妖妃睡起  
纏金釧，仙客巢中繞玉卮。有艷柳條風嫋嫋，無  
胎荳蔻月離離。杜陵野老絲如雪，恠得愁看不  
賦詩。

山中晚坐

偶向雲中歷翠微，却從江上望漁磯。青山住久  
渾相識，客路閒時便當歸。四壁夜風晞石髮，一  
旬春雨長垣衣。馬頭處處孤城月，燈火人家盡  
掩扉。

贈郭聖胎

少年聲價滿都門，七度看花別故園。  
問俗每操三寸翰，著書先就一家言。  
春歸鳳闕鶯迎馬，夜醉龍陽月滿軒。  
意氣自憐雙白眼，漫將肝膽憶平原。

贈趙道人

天柱峰頭月滿扉，前身應是趙知微。  
家傳劍術龍環守，仙賜丹書鶴帶歸。  
斗母朱衣壇上見，雷公白日掌中飛。  
黃梁一枕棋聲靜，回首人間萬

八首 齊集六 卷之四  
事非

病熱作

松作蘧蔭竹結隣愁驅羸馬觸紅塵一官自笑  
還依舊多病時憂不食新月俸分來都買藥秋  
心歸去半思尊却憐燭武非年少空不如人七  
尺身

姚山人自關中歸賦贈

瑯弓白馬錦囊鍵西上秋風五丈原捫蝨獨談  
天下事騎驢時過縣前門朝歌變徵行燕市夜

讀離騷弔楚魂一榻寒燈雙短髮悲歡往事不堪論

初秋病中作

夏來無雨復秋初二伏炎蒸鬱未舒病客不堪聞  
落木波臣猶自泣枯魚時危長拊雙龍劍鴈去難傳一紙書  
白骨黃沙千里目浮雲蔽日竟何如

懷鄭翰卿

俠氣倡狂四十年世人欲殺我還憐千金散向

青樓月雙鬢凋殘紫塞烟坐上灌夫空使酒闌  
中盧女絕鳴絃寡妻弱子零丁日誰向靈均問  
楚天

分水送柳枝侍兒南還

載花雙槳漾波紋回首卿卿喚不聞人逐鳳簫  
千里去水同鸞鏡一時分蛾眉夜伴吳天月鷓  
首春生楚館雲錦帳郎官倍蕭索舞腰空憶石  
榴裙

重別柳姬

鸞斝鳳舸望迢迢知到揚州第幾橋秋水載將  
離恨去暮烟空逐客魂消鴛鴦有帶香猶在雲  
雨無情夢漸遙莫向西風怨零落春光行上合  
歡條

翔龍觀贈道士

五粒松根老茯苓鸞驂今日爲君停道人草就  
驅龍篆仙伯傳來相鶴經夜踏寒雲歸碧洞朝  
迎上客乞黃庭琪花零落珠宮冷臥對西山一  
片青

暮秋行河作

霜風吹斷九河流日日征帆去未休  
身似雁臣行萬里家同漁子在孤舟  
青山有夢愁人老黃菊無情向客秋  
滿目烽烟擊鼓裏燈前空自看

吳鉤

過四女樹追憶舊遊悵然有懷惟和幼孺  
二十年前望帝京青衫半已誤儒生重遊渾  
似三生事往蹟空傳四女名白馬營寒霜葉盡  
黃熊浪靜布帆平江雲澗樹情何限總付山陽

篋裡聲

早至長蘆

平楚蒼然宿雨收，孤帆掛月下滄州。  
烟中堞影沿堤轉，樹裡河聲倒海流。  
估客魚鹽千里舶，美人歌舞萬家樓。  
依稀絕似江南路，一片鶯花散客愁。

北河舟中作

十旬風雨木蘭橈，猶勝紅塵逐市朝。  
髯短更經愁病盡，日長時藉苦吟消。  
鐘敲殘夢驚難續，鴈

帶羈魂去未招萬戶秋聲兼野哭生涯何處覓  
漁樵

紙帳

剡藤擣出素疇輕越苧齊紈浪得名金剪裁成  
猶帶粉銀鉤掛起乍聞聲篋搖竹色看難定燈  
照梅花夢不成何處玉人惆悵夜水晶簾外月  
華明

清源感舊

朱樓綺陌望茫茫夢裡繁華枉斷腸芳草漸生

歌舞地寒城空閉水雲鄉燕銜香絮過隣院烏  
帶荒烟宿女牆惟有河聲流不盡落花依舊滿  
橫塘

乙卯至日

隱囊禪榻坐佳辰風雪柴門絕四隣故國關河  
成遠夢天涯雲物政愁人齋居空憶青綾舊飛  
瑄應催白髮新多病一身家萬里鄉心原不爲  
思尊

和郭聖胎廟市詩四首兼以寄懷

祠廟真成百戲場，攤錢選地競鋪張。  
爭看每月三期集，却笑傾都一日狂。  
珠幙攔街光照夜，繡簾窳地錦生香。  
紅塵紫陌春如海，誰倩西山駐夕陽。

紛闐百貨競相誇，異品還多出內家。  
祕閣有書皆御寶，舊衣無錦不宮花。  
器因傳世看難定，玉爲連城價轉加。  
誰出衆中酬百萬，坐令京轂振聲華。

南從吳越北幽并，萬里梯航到帝京。  
海外猿

膏田未啓禁中雉尾織初成腥風時雜香塵麈  
市僧平衝貴客行莫笑寶山空手去侏儒囊粟  
已無贏

貫城坊下卸行衣相遇寧愁伴侶稀下直郎官  
聯轡入穿宮內使採花歸胡姬玉醞壚頭熟俠  
客金鞭柳外揮擊筑舊遊君憶否年來還是酒  
人非

乙卯臘月立春作

千里蕭條四壁懸愁看春色到殘年冰消野水

無人渡日落荒城幾炷烟  
三白已孤新歲望  
五辛不似舊時傳  
寡妻羣盜傷心日  
腸斷江南桃李天

乙卯除夕

寒庭鎖印吏初稀  
坐惜年華與世違  
二度及瓜人未去  
一聲爆竹臘先歸  
客中泪向辛盤落  
天際魂依子舍飛  
四十九年渾似夢  
不須更問是還非

丙辰元旦

朝聞寒漏報新年歸夢驚迴俗慮牽二載鴈臣  
雙鬢雪一番花信九河烟身衰空有延齡藥秩  
滿全無負郭田鼎鼎百年今已半嬾隨人逐艷  
陽天

七言排律附

端陽小集

柳外新蟬沸一聲忽看佳節到朱明銜杯莫話  
湘纍怨賜扇曾叨漢署榮天上靈符真續命人  
間綵縷盡長生紅驚榴火當窓艷綠愛昌陽泛

醕清畫舸電飛龍爪急射棚風軟馬蹄輕采菱  
鬪草佳人伴懸艾含香遠客情白髮不堪臨水  
鏡清朝無分飲臯羹坐生牛馬終何用六日蟾  
蜍枉得名北極浮雲心萬里南冠愁日臥孤城  
却思三十年前事眉黛紅裙隊裏行

丙辰五月二十四日至家感事

時有水患  
兼以警報

粵王臺下解征騶細雨斜風自半含又客乍看  
新白髮寒門還映舊蒼潭松花撲酒香初熟荔  
子迎人色未酣慈母倚閭時破笑癡兒繞膝競

分甘挑燈弟妹縱橫集拂塵賓朋汗漫談骨肉  
存亡驚不定市塵更換語猶諳林丘已分真成  
隱時事仍添幾不堪赤地頻年憐塞北鴻波千  
里浸江南家家竈竈城中浪夜夜狼烽海上嵐  
風急羽書飛洶洶秋高水恠坐耽耽巢居無計  
應堪笑肉食何禪也自慙空向龍文求獄劔謾  
從雞肋謝朝簪板輿斲合娛潘令柱史誰能識  
老聃是處菟裘吾欲老烏山山上有精藍

小草齋集卷之二十四終